

Nunaqarfinni illoqarfinnilu isorliunerusuni ineqarniarnikkut pissutsit ilungersunartut qaangerniarlugit illunik nutaanik kiisalu aserfallassimasunik nutarterinissamik anguniaqarluni suliaqartoqarnissaa pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Akissuteqaat

(Ineqarnermut Naalakkersuisoq)

Nuannaarutigaara ineqarniarnikkut pissutsit pillugit Inatsisartuni ilaasortaq Hans Enoksen apeqquteqaat aallaavigalugu oqallissiamik matuminnga saqqummiussimmat. Ineqarneq pillugu misissueqqissaarnerit ingerlanneqaleruttorfianni oqallinneq iluaqtaalluassasoq qularutigingnilara. Taamaalilluni oqallinnerup matuma malitsigisaanik misissueqqissaarnermut ilangunneqarsinnaasut aammalu anguniagassat sorpiat Inatsisartut siuarsassallugit kissaatigineraat saqqummersinneqassasut naatsorsuutigaara.

Naalakkersuisut assut pingaartippaat ukiuni aggersuni sakkortusisamik iliuuseqartoqassasoq, taamaaliornikkut nunaqarfinni illoqarfinnilu isorliunerusuni inissiat illuutillu nutarsarlugillu pitsanngorsaavagineqarnissaat sulissutigineqarnissaa Naalakkersuisunit pingaartilluinnarpapput.

Tamanna ilaatigut pissaaq nutaamik sanaartornikkut, innuttaasut peqateqarlutik illuliorsinnaanermik qinnuteqarsinnaassapput. Piffissami matumani Illorput 2100 qinnutigineqarsinnaalereerpoq aammalu siunissaq eqqarsaatigalugu kissaatigaarput tamanna perarfissaaginnarumaartoq. Taamatuttaaq iluarsaassinermut tunngatillugu perarfissanik pitsanngorsaasoqassaaq, taamaaliornikkut boligstøtte aqqutigalugu illuutillit iluarsaassinissaminnut qinnuteqarsinnaanerminnut perarfissaat pitsanngorsarneqassapput.

Aqqissuussineq ullumikkut atuuttoq allanngortinneqarpat boligstøtte aqqutigalugu illuutini najugaqartunut annertuumik pitsaasup tungaanut sunniuteqassaaq, taamaaliornikkut assersuutigalugu qinnuteqarsinnaanermi inoquitiit ukiumut isertitaanut qummut killigititaq 180.000 kr.-iniit assersuutigiinnarlugu 250.000 kr.-inut qaffanneqarpat. Taamatuttaaq nutarsaanissamut qinnutigineqarsinnaasut 200.000 kr.-inut qaffanneqarsinnaapput, ullumikkullu qinnutigineqarsinnaasunut killigititaasoq 100.000 kr. qimanneqarluni.

Nunaqarfinni illoqarfinnilu isorliunerusuni illuutilinnut tamanna annertuumik pitsanngoriaataassaaq – tassami takku illuutiminik pitsanngorsaanissamut aammalu aserfallatsaaliuinissamut perarfissaat malunnaatilimmik pitsanngoriartinneqassapput. Eqqaamasariaqarpummi nunaqarfinni illoqarfinnilu avinngarusimasuni illuutit amerlanersaat nammineq pigineqartuupput – boligstøtte aqqutigalugu illuutaapput, nammineq illuliaralugit aammalu peqateqarluni illuliaralugit illuutaallutik, taakkulu najugaqartut namminneq illuutigaat.

Nunaqarfinni illoqarfinnilu avinngarusimasuni illuutit inigisallu amerlanersaat 70-80-ikkunni ilarpasailu suli siusinnerusukkut sanaajupput, pisariaqarluinnarporlu illunik piginnittu aalaakkaasumik illuutiminik aserfallatsaaliuisarnissaat, ajornerpaamik pisoqassappat illuutigineqartut najugaqarfiusinnaajunnaartarnerat pinngitsoortinneqassappat.

Inissat illuutillu aserfallatsaaliorneqarneri annikinnerusumillu iluarsanneqartarneri piffissap ingerlanerani pingaaruteqarluinnartuuvoq – illu ingerlaavartumik aserfallatsaaliorneqanngippat, amerlanertigut illu ajoquserneqartarpooq, imeq anorilu illup qaliata igalaalluunniit ussiinnerisigut isaaffissaqalersimagaangata. Tamanna pingaartumik Namminersorlutik Oqartussat inissiaataanni illutaannilu misillerfigineqakulasorujussuuvooq, aserfallatsaaliorneqartarnissaasa sumiginnarneqarsimanersisa kingunerisaanik oqummik eqquaasarmata.

Taamaammat nammineq illuutigisat iluarsanneqarnissaat pisariaqartitsiviunnangilaq – aammali Namminersorlutik Oqartussat inissiaataasa iluarsanneqarnissaat annertoorujussuarmik pisariaqarpoq. Missilorneqarpoq iluarsaassinerlik pisariaqartitsineq tamaat isigalugu aningaasat 5 mia. kr. Sinnerlugit pisariaqartinneqassasut, aali taamaallaat Namminersorlutik Oqartussat inissiaataat 6.400-it missiliornermi kisimik pineqaraluartut.

Naalakkersuisut kissaatigaat illuutit inissiallu naleqarluartut paarilluarneqarnissaat aserfallatsaolineqarnissaallu, taamaaliornikkut inuiaqatigiit naliliutaat aserfallassanngimmata. Tamanna pisariaqarpoq, innuttaasut peqqinnartunik najugaqarnissaat qulakkeersimaneqassappat. Ajoraluwartumilli ilisimavarput inissiat illuutillu tamaviisa ataatsikkut iluarsaassinnaannginnatsigit.

Nunaqarfiiit illoqarfifullu avinngarusimasumiittut ilaat inuttusiartorput. Pingaaruteqarpoq sumiiffinni pineqartuni illuutit inissiallu aserfallatsaaliorneqarnissaat qulakkeerumallugu najugaqarfigineqartuarsinnaanissaat. Taamatuttaaq aamma pingaaruteqarpoq nutaanik illuutinik inissianillu sanaartortoqartarnissaa.

Sanaartorfigissaaneq aammalu anartarfifit kuuffilersornissaat, imermik pilersuineq aammalu eqqagassalerineq kiisalu sanaartornermi atortussat pissarsiarisinnaanissaat eqqarsaatigalugit sineriassuatsinni isorartoqisumi nunap ilusaa aammalu sanaartortuniit kiffartuunneqarnissamut periarfissat assigiinngisitaartuupput.

“Siunissami najugarisassap” ilusilersorneqarnerani pingaaruteqartorujussuuvooq pissutsit assigiinngisitaartut eqqumaffiglluinnarneqarnissaat.

Taamaammat pisariaqarpoq inissianik illuutinillu nutaanik sanaartukkat piffissamut naleqquttuunissaat, taakku sanaartoruminartuussaapput aammalu aserfallatsaalioruminartuussaapput. Illorput 2100-ip ilusilersorneqarnerani tamanna naammassiniarneqarsimavoq. Taamatuttaaq pisariaqarpoq nutaanik sanaartortoqartillugu sanaartornermut nakkutilliinerup pitsaanerulersinneqarnissaa. Illuutit inissiallu nutaamik sanaartornerqartut ussissusaat qulakkeerniarneqassaaq. Sanaartugaq pitsaasumik sananeqarpat, inigisaq pitsaanerulissaaq aserfallatsaalinerillu annikillisinneqassapput.

Naggataatigut Inatsisartunut ilaasortaq Hans Enoksen kingumut qujassuteqarfigissavara sammisaq pingaarutilik manna oqaluuserisassanngortimmagu. Assut soqtiginarpoq oqallinnerup malinnaaffiginissaa aammalu susassaqarfimmut tunngatillugu Inatsisartut anguniakkaminnik erseqqissaateqarnissaat qilanaaraara.